

甘肅新通志卷之三十一

義學

義學之費亦取辦於地方官為稽查擇士人學品優者為之師城鄉皆有之近多改為初等小學堂云

蘭州府

皋蘭縣舊義學在賢良祠雍正三年按察使張迺建

明倫義學在城中道陞巷

舊為西社學

序賢義學在城東貢院巷

舊為東社學

兩處俱康熙七年巡撫華誥

建

正德義學在城中莊嚴寺光緒元年重建

養正義學在南關重新寺北

舊名回民義學

乾隆五十年建光緒元年

重修

甘肅新通志

卷三十六

學校志

義學

一

存誠義學在新關乾隆五十年建光緒元年重修

育英義學在東門街凝熙觀同治十年知縣黃崇禮建後遷於

慶祝宮

造秀義學在西關報功祠同治十年知縣黃崇禮建

崇文義學在通濟門外關帝廟光緒三年總督左宗棠建

觀善義學在西關炭市街

講義學舍在新關祖師廟光緒三年總督左宗棠建此外在張

家河口者為河口義學三門義學古城義學在阿干鎮者為阿

干義學

金縣舊義學二一在縣城一在清水鎮道光十七年知縣吳道彰

捐建

吳道彰創建城鄉義學記隴右古荒徼地於漢為諸羌道

通玉門陽關平沙大漠出塞征戍所經後雖開郡列障聲教不通固用武之國也我朝涵覆中外文治光華立省會蘭州郡縣建學校舉行科目激勵人才至周且備大化之所漸

摩幾二百年矣金爲附省首邑而樸儻猶昔豈真無良子弟歟抑父兄長官失其教養歟甲午余來宰斯邑閱三載往往詢民童時誦習睦不知所對巡行所居徧鄉里不設一塾心竊怪之夫國家建置郡縣司民牧者豈僅井里樹畜衣食安集之而已惟勤學興賢移易風俗爲兢兢邑合尤近民耳目易及子弟顛蒙不能曠教學墮廢不能振聽其遊嬉頹惰漸且放肆邪侈敖很冒上訟獄繁興何以仰塞朝廷詔旨俯養元元不覲顏肆民上耶今春公暇議捐廉俸於縣城內及清水鎮分立義學兩處士庶聞風向義爭先慷慨成之蓋涵濡生息歷有年所太平和樂目不見兵革之事故其教易感競勸如此然後益知向之因陋就簡爲足羞也抑聞之靡不有初鮮克有終是賴有志之士擇鄉里品學優異者延以爲師經理得宜永善厥後百年樹人之計實在於此矣然則斯舉也其有關於風俗教化豈淺鮮哉

靖遠縣舊義學在關帝廟西北順治九年掌印守備王永清建

廣育義塾在南關嘉慶十四年知縣王保澄建

北鄉永安堡發餘堡大蘆塘哈思吉裴家堡西鄉平灘堡各設義學一所

河州義學三在城內者二南關一康熙二十一年同知劉永祺建

### 甘肅新通志

### 卷三十六

學校志 義學

二

四十四年知州王全臣增設十處後併道光間新設者城鄉共二十處

平涼府

平涼縣舊志義學十三處

華亭縣義學二處回亂後廢

靜甯州義學在州署東康熙五十五年知州黃廷鈺創建正誼堂

乾隆間知州王烜設爲義學

隆德縣義學本城暨四鄉共十二處

莊浪分縣義學在本城乾隆間縣丞耿光文重修

固原直隸州

平遠縣義學城鄉五處俱光緒六年知縣英麟創設

海城縣義學城鄉六處光緒六年創設

涇州直隸州

崇信縣義學二一在關帝廟一在開化寺俱同治十年知縣張照  
最創設

鞏昌府

隴西縣義學在府治東同治初燬於回亂

安定縣義學在東關街北康熙五十七年設

會甯縣義學卽枝楊學舍在武廟南雍正十三年知縣杜蔭因其  
隙地立義學坊未及修建乾隆十四年知縣陳棟方建置學舍  
二十八年知縣黃顯祖增修五十五年知縣應先烈補修

通渭縣義學一處

伏羌縣義學三一在本城內一在磐安鎮一在牛蹏鎮

西和縣義學四一典史署左乾隆二十五年知縣土錫書建二在

甘肅新通志

卷三十六

學校志 義學

二

鄉鎮

岷州義學在文廟東同知汪元綱創建

洮州廳舊義學在文廟東同知汪元綱創建

養正學舍在廳治東光緒十年同知李日乾創建

在舊城者曰東義學在西鄉者曰回民義學光緒二十年建在

東鄉者曰端蒙義學光緒二十五年建又建於太平寨曰太平

寨義學

秦州直隸州

州義學舊志在道署前在鄉鎮者七

秦安縣義學康熙中知縣王之坊建後爲千總廨乾隆五十一年  
知縣董秉純建義學二處後俱廢其在鄉者一在郭家鎮乾隆  
二十四年知縣保中捐俸創建一在龍山鎮知縣董秉純諭建

道光十七年知縣嚴長宦設義學十二處同治九年知縣程履豐設義學十六處

禮縣義學八城內三一在文昌宮側一在白衣菴一在考院大門

內餘在鄉鎮邑令方嘉發建立義學記今上聖神相繼文德

以育英才恩綦渥矣而禮邑獨缺焉弗有甚非朝廷作人雅

意也嘉發莅禮之次年秋幸雨賜時若而歲序豐登也民得養

矣亟宜教之因購地於縣署之西偏鳩工庀材以築之不一月

而講堂告成至若諸生房舍亦將次第興舉焉夫崇儒重道使

人文化成朝廷之教思也宣上德意而立學造士司牧之

職任也嘉發懼忝厥職而拮据以創學校諸生敬樂其中務宜

斯征斯邁以明道希文自相期待庶見蔚為王國之楨而無負

作人之雅化焉因頌其堂曰遜敏以助之用勒諸珉云巡道

劉方需義學記書言惟教學半各盡其半而後相與以訖於

有成故德成而教尊聖人之教兼文行後世流澤衰微而教者

率者一趨於文其皆沿周末之失與周初以前唐虞夏商文實

兼行如堯文思舜文明禹文命湯懋昭文王不已孔子在茲皆

衷乎德行以為之文至於析文行而歧之聖人不能挽而復古

惟為之區其後先輕重使教不衰微學不膚末以為人心風俗

之防焉已矣秦州禮縣方嘉發為古人古質由廣東進士官斯邑

首創義學出所學以教多士諸生之列高等者與夫應童子試

甘肅新通志

卷三十六

學校志 義學

四

而補學宮弟子者率不出其所教而為前此所未有合方色喜  
以為教其有效乎多士亦從而功之謂非縣父母之善教不及  
此焉以為感予謂縣令之可喜多士之可感有更大於此更重  
於此者此值敦學中半之半耳而即於半之半求半之全由文  
趨行由士及民由養興教永圖之巽入之漸被之上焉身禮教  
於官師下焉風禮治於士民而禮縣於盛世為不虛名吾不  
知喜與感者更當何如其將自茲蒸蒸而各有以自喻乎

徽縣舊義學一在東城外三官廟新義學二一在東街吳王廟一  
在普福寺

兩當縣黃花義塾光緒十八年知縣蘇重熙改修十九年知縣陳  
昌新設城鄉義學共六處

階州直隸州

州義學在學宮東

何道昇創建義學記竊維庠序學校古聖帝賢

為致治之本也欽惟皇上帝崇儒聿隆文治恐士習有未  
盡端人心有未盡正特頒製訓士子文俾知自勵毋或跡弛泛  
駕之患復廣直省解額旁搜博採不使滄海有遺珠之歎天下  
之士靡不聞風向化爭自濯磨仰副聖天子作育人材至意

猗歟休哉何風之隆耶余於丁亥夏權知武都蒞事之日顧人物雍濟誦讀之聲達於里巷夫武都僻在邊鄙人多自食其力男子躬耕婦女紡績冀免飢寒之不暇何復尚有餘功講求文義討論詩書晦明不倦因喟然歎曰君子之德風也小人之德草也信矣夫上有好者下必有甚焉者矣第武都城郭褊小廨宇窄隘學宮殿廡之餘別無隙地諸儒之欲質疑辨難者咸託居於琳宮梵宇絃歌之聲與鐘磬相雜豈其宜哉余因就學宮之東有察院舊地其地曠敞面陽居城之中捐貲攝材計工授食不藉匠勦不勞民力建修業堂三楹池西齋舍三間少北講堂五間宜門之西築板屋三間以備庖爨四面環以土牆覆以陶瓦牆之內間以桃柳講堂之前因水鑿池池之中就土爲山山之外植以修竹雜以山花可以娛素心發文藻逾年而成州之人士咸謂武都承吳逆兵燹之後制度草創維茲義學闕焉未講詎無遺憾哉今日者魏焉煥焉肅焉穆焉登階而升者執經之儔也負笈而來者肄業之侶也南金竹箭雖難比美於江南而杞梓梗楠又何嘗自限於山澤從此詠菁莪而賦棫樸不幾大有造於將來乎可無一言以紀其概是爲記

西固廳義學舊志載十二處

文縣振文敷文培風諸義學俱同治十二年知縣陶模設育英崇

雅兩義學俱光緒初知縣長贊捐建在鄉者四處曰端習曰崇

甘肅新通志

卷三十六

學校志 義學

五

正曰龍津曰化俗

成縣義學在儒學側康熙二十九年署知縣白光輝建雍正十一年知縣吳浩重修乾隆四年知縣黃泳改置文昌祠前一在小川驛知縣黃泳建

慶陽府

府義學在治東康熙五十五年知府金垣生創建

安化縣義學在城內雍正五年知縣葉紹麟創建

合水縣義學四乾隆二十六年知縣陶奕增設久廢光緒五年知

縣曾紀安稟設二處在縣城十八年知縣嚴澤復於板橋鎮西華池固城鎮太白鎮東華池蒿咀鋪各設義學一處

正甯縣義學在縣治西門外乾隆五年知縣茹璽創建二十八年知縣折遇蘭增建

甯州義學舊在武真廟順治五年知州趙鳴喬立

甯夏府

甯朔縣義學舊志在廣武營康熙四十五年建

甯靈廳義學在文廟西

西甯府

西甯縣義學城鄉共二十處一為道義學在城雷鳴寺街道道光十

四年西甯道湯鼐捐置一為府義學在城宏覺寺街同治十三

年知府龍錫慶籌置在統領街者為府北義學在府門街者為

府新義學餘在四鄉

碾伯縣義學在隍廟左側乾隆二十四年知縣何澤著捐俸創建

後移建關廂

大通縣義學五處俱同治十三年知縣黃仁治指設

甘肅新通志

卷三十六

學校志 義學

六

貴德廳義學乾隆十二年僉事楊應琚知府劉洪緒創建

涼州府

武威縣義學三一在張義堡一在孟家莊一在東關

鎮番縣義學二在城內雍正二年衛守備洪渙建後合為一乾隆

十一年知縣施良佐捐建本城並蔡旗堡青松堡紅沙堡共四

處乾隆五十四年知縣文楠復設二處嘉慶二十三年知縣謝

培分設二處道光三年知縣黃璟增設一處

永昌縣義學六處一在治城內文廟街一在東鄉清溪堡一在南

鄉永安堡一在西南鄉新城堡一在西鄉高古堡一在北鄉甯

遠堡

古浪縣義學一在城隍廟前一在把總署東北在鄉者為黑松為

安遠為土門為大靖為雙塔諸義學

邑令徐思靖增建義學記古者黨庠家塾莫不擇有

德行者爲之師其事灑掃應對其業禮樂詩書其行孝友睦姻  
任卹自八歲卽入小學至十有五歲而後入大學焉蓋養之於  
童穉之年其天良未彫未琢故善言易入耨鋤之子咸譽髦也  
古浪舊有義學一所在邑之東北郭蓋因有訟田者度勢不可  
得以田爲學資歲入不多供一學而未足也余覽而心動焉擇  
其勤業者益以膏火而四鄉之士如黑松安遠則去邑或三四  
十里或六七十如土門大靖則相距并七八十里更百有五  
六十里如是而欲其以總角之年擔簦負笈以從事於邑廛城  
關中難矣余故曰學不可以不廣也於是乎捐俸資聘賢士於  
土門建學於大靖建學於安遠黑松建學蓋嘗於課桑視稼之  
餘單車減從進弟子而導之示以禮讓誨以課程其稍通文藝  
者則爲之講解論說授以讀書親師之旨彬彬然可觀者亦時  
有其一二焉嗚呼何其難也記云時過後學則勤苦難成又云  
獨學無友則寡聞孤陋余之設是學也夫亦願諸弟子之胥及  
其時更得便於其地羣萃州處互相觀摩庶幾不至於燕  
辟廢學則土風之盛雅化之成未必不基於此也是爲記

平番縣義學城內二一在二賢祠一在新寺在鄉者爲松山紅城  
堡苦水堡西大通岔口堡等處義學

甘州府

山丹縣義學在城者三一在東街一在文昌宮一在觀音堂在鄉

甘肅新通志

卷三十六

學校志 義學

七

者八爲新河爲硤口爲永固爲黑城爲姚家約爲馬塞各義學  
王廷贊義學記古者家有塾黨有庠鄉老鄉大夫董其教所以  
陶情淑性馴致之於禮教信義中也余道光七年三月蒞任山  
丹由村堡入城關寂無聞讀書聲詢其故地瘠民貧少薪水資  
以延師長教子弟余聞而感之卽捐俸先設義學於文昌宮次  
年又設義學於觀音堂又次年增設義學於新河於硤口於永  
固黑城姚家約等處其脩金或取之官署或取之社倉俾城鄉  
貧民子弟肄業其中四時之孟月擇期躬臨率諸學生祭奠先  
師課其學業之勤惰雍雍然里豆庠邊風琴雅管之意彬乎其  
興矣後之蒞斯土者踵其事而振興之規模拓而  
教澤深其較今日當更有改觀者余其有厚望焉

肅州直隸州

州義學在城東北隅明巡撫陳九疇毀禮拜寺創置嘉靖二十二

年副使張愚捐俸重葺

國朝徐乾學重建義學魁星閣記廣  
甯盧君之撫治肅州也慨然以興壞舉

廢化民成俗爲己任旣至則出俸錢鳩工庀材立義學以教其  
秀民之能爲士者爲閣以祀魁宿使知文教之有像於天以界  
於人且有祈焉以啟蒙之衷月再親蒞焉用休威以爲董勸將  
勒之貞珉以告後之人而請記於余不佞不佞樂其爲政之知  
其先後也按地志肅州古酒泉郡漢元鼎二年置徙內地之民  
以實之東晉以後入於涼秦元魏西涼郡之自隋仁壽中始稱

肅州唐屢沒於吐蕃宋初爲回鶻所據契丹破肅州俘其民而去其後李元昊侵回鶻取之宋之南也蒙古併其地至元七年置肅州路隸甘肅行中書省洪武五年宋國公馮勝定肅州其將哈答掠其民遁入沙漠二十八年開設衛所隸陝西行都司其改復省置可考者如此其人材自東漢以來篤經術尙氣節舉賢良秀才就徵辟成進士者往往不乏爲文儒冠至講學聚徒多者或數十百人非邊鄙荒陋之區也自宋以後蓋無聞焉明三百年間其顯者大抵皆武人其庠序之士仕止於明經得於科甲者一兩人而已間嘗謂三代以諸儒之興實應五星聚魁之兆慶厯之初始詔天下立學而肅州已爲元昊所據則夫詩書之澤孝弟之義三四百年間缺如矣明初亦遷四方之民以實河西故其習尙錯雜風俗靡有一定玉門嘉峪羌人出入民無甯居儒學建於成化三年都御史徐廷璋及正德元年兵備副使李端澄廓而大之其設義學在東北隅蓋其先巡撫陳九疇毀禮拜寺爲之者嘉靖二十二年副使張愚常選生童讀書其中又嘉靖三十五年巡道邱耀常於文廟之左立文魁宮繪文昌奎星二神以祀之酒泉書院在文廟之東嘉靖二十六年副使唐寬所創建此則前代之所以鼓舞振興之者亦屢有人矣豈以其淪胥也久故未能一旦丕變歟抑其旋舉旋廢而莫之有成且爲之繼歟君能舉前人之廢而刻石以貽之無窮焉以詩書爲壁壘以孝弟爲干櫓其爲邊州人士慮至深遠也則教化之成必矣爲之記以告夫他日之繼之者君名崇魁字文斗陝西肅州道布政司參議

甘肅新通志

卷三十六

學校志 義學

八

安西直隸州

敦煌縣東義學在雷祖廟後移文昌宮南義學在南關西義學在

西門外西雲觀北義學在東關俱乾隆二十四年知縣曾希孔

建復置學田收租給師館穀

回民義學在南關五十五年知縣彭以懋添設道光元年知縣

魏邦彥又添設六隅義學六處各置學田歲收租作爲束脩之

費